

四庫全書

集部

欽定四庫全書

傳家集卷十四

宋 司馬光 撰

律詩九

送李才元知廣安軍歸成都觀省

皐蓋五驂騶今來異昔遊  
簞壺交里舍饒吹下瀛州  
壽酒行當舉歸鞭不可留  
春光久相待先在錦江頭

送上雒王推官

經臣

墨綬百里宰紅蕖幕府僚  
民淳無鬪辯地勝得逍遙  
日

上雲未散春深雪不消知音已交薦勿茹紫芝苗

送瀛州簽判蘇祕丞

宋

高陰十萬兵幕府藉時英塞上風猶勁關南春未生投  
壺邊柝靜倚馬檄書成不忘塵中客征鴻可寄聲

送周寺丞畋知洛南

周華人

太華指商於中間百里餘稍行山驛遠漸與世塵疎楚  
塞參差接秦民錯雜居惜哉非繁肯不足試投虛

送齊學士

廓字公關

知荆南

漢家太守治才高，楚國山川氣象豪。  
旗旆逶迤蟠夢澤，樓船聳壓江濤。  
雄名誰復知，宣武遺愛猶應祀。  
叔敖何必三年求，奏計詔書朝夕賜金褒。

送王待制知陝府

疇昔誠相契，間關分不渝。

先君知鳳翔府待制通判府事以道誼相知非直僚友而已

絕絃悲宿草，撫首念諸孤。  
位略尊榮間，年忘德齒殊。  
清

陰容息足重，語辱噓枯。

待制主漕京西光仕武成幕府仍叨獎引

鷗閣騫雲

表虹旌，拂海隅。  
明光新出綵，陝陌重分符。  
豐潤還桑梓

謹謳復路衢寧須更條教耆舊已簞壺

待制再為陝牧先實陝人

送張景淳知邵武軍

閩嶺宵何在東南千里遙  
此離傷草草會合更迢迢  
隋岸微吹絮吳江欲上潮  
肯無同舍念回首弭輕橈

送章伯鎮知湖州

江外饒佳郡吳興天下稀  
蓴羹紫絲滑鱸膾雪花肥  
星斗寒相照煙波碧四圍  
柳侯還作牧草樹轉清輝

送王伯初通判婺州

煜燭屏星駕迢遙  
婺女區嵐光晴何背  
溪溜暖縈紆萬室  
鳴機杼千艘隘舶  
艫若逢耆舊問能  
說隱侯無

送張少卿學士

子憲知洪州

相府典刑在朝閨  
望實高紬書榮史  
觀典樂重卿曹夷  
路迎飛鞚桑林應  
奏刀家竈傳舊學  
廟鼎刻前勞袷服  
屯千騎連檣閱萬  
艘劒芒衝夜氣閣  
影動秋濤風色傳  
花信煙光拂酒膏  
使君專問俗無意  
在遊遨

送昭遠兄歸陝

種種親頭白帝城難少留倚門應有望列鼎本無求清  
夜多歸夢紅塵厭久遊此行殊捧檄轅下五驂騑

送雲卿知衛州

汗簡成新令褰帷刺劇州韋平家法在邵杜治聲優野  
竹交淇水秋瓜蔓帝邱三年歸奉計肯顧石渠遊

送石昌言知宿州

煒煒符離守中流簇鼓旂柳陰濃不斷舟勢激如飛魏  
闕行歸奏承明祗慙違星軺晨夜度尺素勿令稀

送何濟川知漢州二首

金馬從容樂問君何所之客心影若梗親髮鬢如絲舊  
學已孤陋素交仍別離執經時有問使我復從誰

千騎擁朱轡青霞畫繡還復尋題柱迹重過棄繻關曉  
棧流雲濕秋湖脫葉殷久遊今得意真不愧江山

送程端明戲知成都

高陽將幕開濯錦使旌東欲識關頭雪正如江上梅宵  
衣矜遠俗露冕寄良才豈待三年最脩梧茂帝臺



送聶祕丞之美宰桐城二首

問子青雲器胡為不少留未能充祿養安散及身謀卓  
爾千人俊居然百里憂連城價終在自是玉工羞

七載一相值恍然如路衢形骸漸枯槁志業轉荒蕪往  
事雲過眼新愁雪染鬚明朝又分首上馬即重湖

送蒲中舍霖致政歸蜀

前果亭令

二首

厭苦折腰久飄然黃鵠飛田園未蕪沒鄰曲有光輝昔  
奮儒衣去今紆朝紱歸人生貴知足得此已為稀

念昔兩髦日烏奴同燕遊隨時自有樂何物可為愁豈

意今頭白相逢欲涕流憑君訪題壁好在水西樓

光侍先君

為利州路轉運使與君屢遊烏奴山寺題名屋壁

### 送李侍郎東之西京留臺

先公勲烈盛益梅清白仍聞世濟才華省拂衣辭簿領  
長衢回首謝塵埃嵩峯排霧依稀出洛水迎人迤邐來  
寄語馬前頭白吏何殊昔日李西臺

### 送元待制

絳字厚之

出牧福唐

甌越東南美田肥果稼饒况懷新賜綬重過舊題橋食  
足姦回熄風移獄犴銷長才報政速鈴閣日逍遙

送吳駕部

廉厚

知真州

羈託屏星駕同隨丞相車終朝容懶拙經歲底迂疎共  
此趨雲闕旋聞建隼輿江淮一都會遊刃必多餘

送王著作

慥

西京簽判

古來都邑美孰與雒陽先况復元侯貴燕之從事賢玦  
離橫闕塞珠曲逗伊川熨眼登臨樂送君空惘然

郭氏園送張仲通出刺棣州

得朝字

名園送嘉客冠蓋去傾朝  
小雨塵微斂餘寒酒易消  
鴈歸春近塞日上海生潮  
北道平如掌東風五馬驕

送裴中舍

士傑

赴太原幕府

元戎台鼎舊大府節旄新邊候  
正無事賓筵况得人山  
寒太行曉水碧晉祠春  
齋釀蒲萄熟飛觴不厭頻

送致仕朱郎中令孫

世間榮利無窮物奔走勞勞何所之  
仕宦為郎非不達

功名有命待無時，橐中雖乏千金直。  
膝下常攜兩綬兒，細校人生能此少。  
好從閭里樂期頤。

送宋郎中知鳳翔府

昔解陳倉印於今，二十秋雙鳧久東上。  
五馬重西遊驍騎，行闕外壺漿擁道周。  
民心已化服條教，不更修。

送王都官

淑字尤之

官滿還都

粹美清廟器，可嗟沉下僚。  
優遊仲舉坐，洋溢海沂謠。  
奏課應居首，知音況滿朝。  
從今黃鵠舉，眼令望青霄。

送昌言舍人得告還蜀三首

迢遞銅梁道凝嚴青瑣闥負書當日去鳴玉此時歸鄉  
樹迎朱轂江花照錦衣臨邛不足並榮耀古今稀

悽愴懷桑梓劬勞詠蓼莪樹風今遠矣鼎食奈悲何  
劔閣登車近秦關屈指過騰裝纔首路夕夢已江沱

富貴動歸思由來光里閭戒門羞主父負弩笑相如  
外物有榮悴中心無戚疎遙知見親舊不改布衣初

送張學士

師中字吉老

兩浙提點刑獄

賦得清字

朝家重典刑書府借時英鉦鼓喧江下雲山拂眼清秋  
風鱸膾美畫日錦衣榮勿似朱翁子空令守卽驚

送王書記

申字應辰

之官永興

白髮添新鑷紅塵滿弊衣人生適未值吾道豈云非  
輦洛風煙遠函秦草樹微長安春酒美行樂勿令希

送朱臧方

處臣字表臣

提舉江淮運鹽

熬漉滄波耗征輸澤國貧嬰羅矜赤子運筴借能臣拜  
手觚稜晚浮舟浪蕩春東南待蘇息別酒莫逡巡

送次道知太平州

浪蕩春流滿蕪湖  
候吏迎旌礪曉日  
麗鉦鼓野風清暫  
喜紅塵遠休嗟素  
髮生專城方四十  
自古以為榮

送蘇屯田

家字公佐

知單州

蘇先君嘗知單父縣

佳郡望都城相聞  
擊柝聲賓朋纔執  
別耆舊已前迎綵  
服當年戲驪駒此  
日榮絃歌應盡在  
琴調不須更

送李學士

及之字公遠

使北

征葢霜空迴飄飄  
迎塞鴻虜牙侵海  
角漢節下天中酒



薄陰山雪裹寒易水風邊聲不可聽歸思浩無窮

送薛水部十丈通判并州

十萬貔貅士旌旗晉水陽元戎倚耆碩別乘選才良秀  
直寒松節精明利劍鋌知君留滯久從此欲騰驤

送祖澤之守陝

聲教空巖穴夫君集帝庭辭華動丹宸光價塞青冥俊  
德爭推轂榮塗易建瓴陸離寒水玉磊落曙天星得喪  
誰先識艱虞困屢經蹉跎渥洼足漂泊鳳凰翎粉署疏

恩紀甘棠寄典刑仁風思布獲疲俗待綏寧賤子良多愧餘光每乞靈題名聯士版占籍備民丁種種顛毛白蕭蕭龍栢青陌頭瞻阜蓋獨立涕飄零

送賢良陳著作

舜俞

簽書壽州判官

海隅方萬里豪雋幾何人百汰求才盡三薰得士新聲華四方聳器業一朝伸佗日蒼生望非徒澤壽春

送魏寺丞

廣

赴辟秦州判官

征西大府開後乘得高才區脫烽煙靜渠搜職貢來隴

雲低玉帳羌舞奉金罍信美從軍樂脩梧茂帝臺

送丁正臣知蔡州

趨趨汝水濱千騎擁朱輪懸瓠遺基古鞶囊吉夢新丹  
心留紫闥清耳遠紅塵須識明君意先應試治民

送周密學

沆字子真

真定安撫使

玉帳前茅舉銅魚左契分平生公望著期月政聲聞陌  
上壺漿溢潭邊花氣曛遙知待新將民物兩欣欣

送燕諫議知潭州

長沙地饒美賈誼獨傷悲自古臨榮辱幾人無怨咨使  
君擁符節大艦出江湄意氣陶然樂應無弔屈辭

送李益之侍郎致政歸廬山二首

益之好談禪  
故效其語

儒業金華貴歸心白鶴孤江山依舊在軒冕  
羈來無嘯詠誰當共登臨未索扶浩然知此樂  
迴與世人殊水底元無月衣中自有珠六塵皆  
外物萬法盡迷塗瀑布寒雲濕觚稜瑞氣扶  
遙知至樂地不異在京都

送惠思歸錢塘

孤岫平湖外禪房老栢陰倦遊諳濁世獨往遂初心夜  
雨燈窓迥秋苔屐齒深勿鉏山徑草便有俗人尋

送僧歸吳

高枕聊成夢晴空忽見花浮生盡是客何處得為家旅  
食帝城久歸舟澤國賒勿因菰菜味回首浩無涯

送晁秘丞端彥通判雄州

少傳名德重蔚然人物師群孫滿丹穴嘉瑞盡長離勿  
嘆毛羽短已驚文采奇勉哉勤志業餘慶未應衰

送何防禦

經知陳州

千騎去翩翩專城上少年韋平家好學陰馬世稱賢官  
用才能進恩非雨露偏想聞河潤遠封畛帝畿連

泉水詩送吳都官

太元字一翁

分司歸和州

泉水出幽谷原流本自清縈回徧中國浩蕩入東瀛峽  
口春雷怒潭心曉鑑平悠悠隨所值行止兩無情

依前韻奉送才元和甫使北

析木帶天津華星隨去人揚旌踰絕漠負弩候前塵出

塞風霜苦歸塗楊柳春會書專對美煒煒滿秋筠

送丁正臣通判復州

得失故有命世人空自勞冬溫少霜雪松短沒蓬蒿孤  
宦千里遠榮名一旦高回看碌碌者太華與秋毫

送吳仲庶知江寧

江南佳麗地人物自風流青骨靈祠在黃旗王氣收衣  
冠餘舊俗歌頌樂賢侯正恐還朝速江山未徧遊

長安送李堯夫同年

昔歲瓊林花氣曛今朝長樂柳梢春事隨流水滔滔度  
鬢結繁霜戢戢新世路飽諳都是夢人生可貴莫如身  
會須築室臨清洛相與攜筇戴葛巾

送羅郎中登管勾玉局觀

官名為玉局已與俗塵疎鐘出寒松迥香疑古殿虛鄉  
閭非甚遠俸祿豈無餘誰道神仙樂神仙恐不如

送劉仲通赴京師

聖朝方考牧蕃育寄才能屢別良可嘆閒遊不復曾行



塵遵洛汭朝騎對觚稜  
灋上秋臺迴歸來正好登

送伯淳監汝州酒

惟知負米樂不覺抱關卑  
出處兩得意是非皆自知

送堯夫知河中府二首

耆老承風舊絲綸錫命新  
展禽安屢黜原憲樂常貧  
執志窮通壹論交表裏真  
但祈深自重膏澤望斯民

河抱城根曲山侵地勢斜  
周餘古樓觀舜俗舊人家  
回首遊從闊裝懷牒訴譁  
何時重載酒同醉洛陽花

送白都官歸長安

丈夫那肯浪低眉  
薄宦空添鬢裏絲  
瀘水歸來山浩蕩  
都門辭去菊離披  
黃雞白酒五陵樂  
柱曲樊川九穀宜  
復見夫君行直道  
崆峒氣俗未應衰

送雷章祕丞知芮城

西伯昔斷訟  
名存迄今南  
臨大河曲  
北倚首陽岑  
俗被聖賢化  
人多禮讓心  
夫君老經術  
終日想鳴琴

春帖子詞

皇帝閣六首

肇履璿璣厯重飛緹室灰寒隨土牛盡煖應斗車回  
鸞路迎長日農祥正曉天九垓同燠沐萬物向蕃鮮  
盛德方迎木杲風漸布和省耕將效駕擊壤已聞歌  
候鴈來歸北寒魚陟負冰相烏風色改暘谷日華升  
浮陽滿野白溶溶澤底山椒淑氣通草木豈能知造化  
一華一葉盡天功

漠然天造與時新根著浮流一氣均萬物不須雕刻巧

正如恭已布深仁

太皇太后閣六首

盛德初臨震陽和已動坤發生天施大厚載母儀尊  
種桃臨玉井裁勝刻金花借問此何處崑山王母家  
長樂曉鐘殘皇輿入問安東風猶料峭冒絮禦餘寒  
慶壽風煙接未央飛樓複道鬱相望春來無以銷長日  
閒取經書教小王

冰漸半解波先綠柳葉未生條已黃四海澄清天子孝

朝回日奉萬年觴

東宮歸政五年餘  
隱几時觀黃老書  
禁闥無為民自化  
熙熙不獨在春初

皇太后閣六首

母德思齊盛天心奮豫初  
青暉凝輦路佳氣擁宸居  
暖日初添刻柔風乍襲衣  
弄孫時哺果觀織屢臨機  
膾肉紛銀縷蘭芽簇紫茸  
太官遵舊俗歲歲與今同  
釵上花開海鷺飛紅繒  
剪萼蠟粘枝風前飄蕩參差羽

還似瑤箱呈瑞時

玉漏聲殘金殿開乘輿清蹕問安來盡將草木欣欣意  
同與新春入壽盃

裁縫大練成春服慈儉由來性所鍾肯使外家矜侈靡  
車如流水馬如龍

皇后閣五首

種稜獻新種褕褕澣舊衣玉鈎隨步輦行看采桑歸  
樛木猶藏葉天桃未作花六宮歌逮下四海詠宜家

溝暖冰初斷  
牕晴雪半消  
餘寒不足畏  
塗壁盡芳椒  
寶勝金幡巧  
闌功綵花蠟  
鷺颺和風玉  
盤翠苣映紅  
蓼捧案朝來  
獻兩宮

春衣不用蕙  
蘭薰  
領緣無煩刺  
繡文  
曾在蠶宮親  
織紵方知縷  
縷盡辛勤

夫人閣四首

壁帶非煙潤  
金鋪霽景鮮  
繡功添采縷  
和氣入繁絃  
翦綵催花發  
開簾望鷺歸  
歲闌新過臘  
習舞競裁衣

綺窓繡戶又東風丹掖遊陪歲歲同但願太平無限樂  
何須三十六離宮

聖主終朝勤萬幾燕居專事養希夷千門永晝春岑寂  
不用車前插竹枝



傳家集卷十四

欽定四庫全書

傳家集卷十五

宋 司馬光 撰

律詩十

仁宗皇帝挽辭二首

聲教萬餘里文明四十春  
茂勲留信史盛德滿生民  
共遠禽魚樂安知橐籥仁  
百年龍馭遠空復仰威神

霧曉銅魚躍霜寒閭闔開  
哀聲際海發靈仗拂天來  
別寢嚴虛位重閭闔夜臺  
柏城空有路無復屬車回

英宗皇帝挽辭三首

盛德師堯舜英姿肖祖宗太陽光徧照滄海量兼容鴻業知能繼齊民望可封如何未五載已上鼎湖龍

虹瑞流朱邸童髫侍紫宸簡心天與子授位帝知人學古功時敏鉤深道日新宜然三百載民物仰威神

諫省臣無狀龍鱗昔屢嬰恩深忘位賤義重覺生輕不正誅鋤法仍蒙獎嘆榮百身何足報天造固難名

神宗皇帝挽辭五首

決事神明速任人金石堅天機先兆朕聖度蘊淵泉仁  
義生知性恩威獨化權乾坤無毀息長與大名傳

聽政涉中昃觀書度夜分周王忘自逸漢祖不知勤棣  
萼因心友雲章落筆文佗年紬石室光大繼皇墳

至德成無象徽名避不居期門弋獵絕步輦宴遊疎錢  
列金釭暗兵嚴武帳虛蓬萊日晏仗猶望駕宮車

黿禁叨承詔金華侍執經微生輕草芥聖澤潤滄溟鹿  
性安林野葵心注闕庭堯雲不可望白首涕飄零

式道清行馬靈輶下陞簾雲奔同軌集雨泣兆民瞻石  
闕蒼煙暝松門白露霑載弓徒隕絕無計附龍驄

光獻慈聖太后挽辭二首

麟閣承家慶軒星應德暉帝猷陰有補嬪則動無違遽  
就蒼梧野空餘大練衣只應彤管在萬古播鴻徽  
四紀褱衣盛兩朝長樂尊九州貢甘旨萬乘問晨昏明  
辟歸元子嘉謀賚孝孫群生資后土難答化光恩

相國魏忠獻韓公琦挽辭三首

瀛海訐謨定宗祧指顧安鴻勳柱石壯勁節雪霜寒翼  
亮三朝久初終一德完如何未黃髮壟柏已九丸

愛物威容悴憂公宿疹加孤忠貫白日美志掩丹霞行  
路皆惆悵聞風悉嘆嗟英靈覲宗祖猶想佑皇家

惻怛動旒宸鴻臚葵老臣簫鐃震塗口緋翼臨漳濱久  
大英名在哀榮異禮陳豐碑紀遺烈長泣鄴城人

相國鄭元憲宋公庠挽辭二首

仁聖初承緒敷天籲雋賢得人茲最盛射策獨居先禁

省英聲遠巖廊至化宣辭榮還故第三事究高年  
邦光華袞補家寶素書陳東閣簪裾散西芒宅兆新泉  
臺無復曉柏逕不知春獨有高文在芬芳繼古人

相國祁正獻杜公衍挽辭三首

舟楫才猷大冰霜德操堅陶鈞成茂業書史樂高年瞻  
望簪紳共吁嗟館舍捐舉時無異論方信令名全  
釣玉吳臺舊誅茅梁苑新位登華袞貴家似布衣貧直  
道高當世清風遺後人千秋寒照目竹帛不棲塵

先子同烏府知音誠皦然脫繯來拜伏撫首辱哀憐迨  
此泉扃掩空悲塵網牽無由懷酒絮撇涕望新阡

相國廣平文簡程公琳挽辭二首

明直君臣合安危將相兼金章四輔貴玉帳萬兵嚴禦  
侮長城隱臨繁利刃銛南山賈巖石何以慰民瞻

帝誥封泥紫皇墳殺簡青坐談安玉壘專對讐龍庭黼  
黻昭文理冰霜瑩典刑英靈入箕尾終古作天星

相國穎莊敏龐公籍挽辭三首



儒衣臨絕塞廟畧運奇兵緩帶羗塵靜靈旗海霧清公  
心結明主陰德庇羣生名遂身仍退人間五福并

銘旌遠明滅騎吹去低昂三鼎功名大重泉日月長鵲  
飛來弔客牛臥卜連岡車馬還城郭悲風滿白楊

滄波與鄧林魚鳥久飛沉一旦成陳迹何人識寸心高  
山亡景行流水失知音淚盡離東閣歸來破故琴

司徒開府韓國富公弼挽辭四首

天佑休明祚時生雋傑臣賢科首多士宰府澤生民煥

爛三台正冲融四海春欲知甄治力試問白頭人

松漠驕無信漁陽廣聚兵移書侮中國決意背齊盟直  
氣輕輶入英辭左社驚虜歸烽火滅寓縣復升平

大吕功名重鴻毛軒冕輕閒居客愈盛暫出市皆傾溟  
海涵容大龍門謁見榮譙光儼在目慟哭望佳城

杖屨還私第精誠在本朝愛君老不懈憂國沒方昭東  
閣秋牢落西芒夜寂寥只應忠亮志氣運不能消

參政正肅吳公育挽詩三首

皇家延茂異，鶚立迥無倫。高議誰能奪，英才自有真。驕寧受繫冰，鑑不棲塵試。為咨清論風，流第幾人。

辭華已獨步，政治復無前。吏不容三穴，民皆戴二天。於

今知和寡，自古愧才偏。惆悵棠陰下，仁風尚藹然。公再為陝

牧光實陝人  
知公之政

念昔少年日，謬登君子堂。重言何以稱，厚德不能忘。光昔

以文請見公答以  
長歌過有褒嘆玉塵聲容在，泉臺歲月長。憑誰寄清

淚，為我灑松岡。

北京留守太師王公拱辰挽辭二首

盧肇時推重終軍衆共賢何如奪標日未及弃繻年官  
歷清塗徧名居美事先人間福有五視履豈非全

昔日程文士

光應舉  
公發解

中間侍坐賓遊陪慙晚輩待遇過

佗人方嘆龍門遠俄驚馬鬣新西園行樂處引領但霑  
巾

贈太師文公挽辭三首

汾晉地形美古今多鉅賢况承勲烈後宜有慶靈傳著

位登朝古聲華出眾先起家從此始圭組遂蟬聯  
美化流民物薰然遺愛多樂公當日社邵父至今歌庭  
有三鱣集門容駟馬過欲知餘慶在公鼎格平和

夏屋封何處山田有卧牛蟠根走伊水回首負嵩丘忠  
孝家風備哀榮禮秩優龍鸞舜宸翰萬古照松楸

樞密太傅文恭胡公宿挽辭二首

行冠鄉人品文為學者師黃裳蘊厚德玉律儼清規大  
節人難奪嘉謨世莫知儀型不可見遺烈滿豐碑

徘徊游內禁，密勿贊鴻樞。  
陰德加民物，清名服士夫。  
天方遺一老，星忽隕三吳。  
疑從龍驤去，來雲在帝都。

贈太子太傅康靖李公

若谷

挽辭二首

黃髮今彫喪，蒼生欲奈何。  
散金纔極樂，曳杖已成歌。  
十郡餘恩在三臺，故吏多位崇。  
仍有後五福，更為多。

鹵簿去悠悠，西郊亂葉秋。  
旄翻寒日薄，笳咽斷雲愁。  
吊客門飛鶴，佳城山卧牛。  
靈車今不返，洧水自東流。

宣徽惠穆呂公

公弼

挽辭二首

奕世台衡貴盈門紱冕榮遐方流惠化殊俗  
聲威聲宥密資忠力安平寄老成遽騎箕尾  
去何以慰蒼生維嶽人皆仰長城衆所依遠  
猷方克壯昭世忽長違象設儼如在英靈  
宵不歸唯應令名久竹素藹餘輝

宣徽使文肅鄭公戡挽辭二首

璿璣敷帝命金節護邊兵盡付將軍制真為  
儒者榮扶搖方上擊濛汜忽西傾罷市人相  
弔紛紛滿百城柳絮喪容盛江山故國遙清  
時獨長往何日重來朝事

與秋雲斷縈如曉夢消西風虎丘路馬鬣又崔嵬

又代孫檢討瑜作二首

湖澄翠岫孤勝地古東吳氣象常時秀英靈何世無金  
閨演王綽玉帳綰兵符煒燁照鄉曲從茲益重儒

人為天地客處世若浮休豈有生長在祇知名可留露  
沾寒草晚風嘯白楊秋地下求文友應從顧陸遊

翰林彭學士乘挽辭三首

夙昔遊清賞時流籍重名雙書石渠祕視草玉堂榮古



兆虛三鰈凶期告兩楹子雲思故國墳樹必西傾  
平生對交舊萬日正如初不復知榮賤都能忘戚疎遺  
靈瞻素几偽物屏塗車家事何蕭索空餘萬卷書

祖奠垂將撤笳簫儼欲行野寒嘶故馬樹轉出新旌泉  
路幽無底魚燈暖不明如何齋美志鬱鬱向佳城

楊侍郎察挽辭二首

時論歸清德皇心重老臣祖風終鯁直家學本深淳便  
殿談經久安車就第新如何金未盡奄忽棄鄉人

憂國心如石當朝有古風掛冠雖在遠遺札不忘忠飛  
旄西歸洛新阡背倚嵩還令往來客下馬白楊中

王侍郎琪挽辭二首

弱冠獻奇策居然終賈才賦成平樂館歌奉柏梁杯

侍郎

天聖初以江都主簿上書獻十策召試館職嘗侍宴後苑賦山水石歌首出諸文士獨被褒賞麗藻留

昭世英遊隔夜臺土中埋美玉誰見不興哀

振鷺辭靈沼冥鴻翔太虛清朝解鳴玉舊里掛安車詩

酒江山勝園林俸祿餘所忠今不往誰奏茂陵書

鄭侍郎紆挽辭

雲夢氣回復比肩生雋豪司農家學富廷尉里門高  
驥昔千里鳳凰今一毛卽邱餘慶在終應呂虔刀

侍讀王學士挽辭二首

石室書編富金華講席重薦神歸博洽鳴玉稱雍容  
貳負纍囚象尸臣古塚蹤老成今已矣咨訪欲誰從  
杖底潜蛇影門陰集戴鷺玉樓新記就石柳舊銘沈  
篋有封巒札籙無遺子金寂寥封馬鬣秋色淨松林

參政尚書文簡丁公度挽辭二首

鳳蹕遊汾曲非熊得偉人  
閨臺尤顯重訓誥愈深淳  
論道參黃閣橫經侍紫宸  
如何天不憖志業未全伸

丹闕晨趨退蕭然忘世榮  
閒齋虛自白永日澹無營  
脫落簪纓累沈冥丘壑情  
貪夫誠有激千載素風清

侍讀張學士環哀辭二首

喜怒與榮枯居之悉晏如  
稍門多執筆至老不拋書  
常愧無能極曾霑清論餘  
秋風郭門外雨泣望喪車

凶夢歌洹水妖巢集戴鷺未嘗餘俸祿無以具衣衾袁

渙分倉穀翁歸賜府金佗年純固傳寧使令名沈

朝廷以公

清貧贈  
贈有加

錢左丞明挽辭二首

煇燧傳家學連翩射策榮走九過省閣破竹取公卿埋

玉嗟何早為山惜未成空令澤宮友相顧淚縱橫

同年致祭

者二十  
二人

象設如平昔升堂不見君尚疑言笑在忽念死生分清

論千秋雪浮榮一片雲  
泉臺多少路何處復修文

紫微石舍人昌言挽辭二首

地勝岷峨秀時清雋又生楊  
雄晚得祿何武少知名性  
有圖書癖心忘紱冕榮前年歸諭蜀不使里人驚

顧我非君比最為相得歡平生  
遊處久美行始終完長  
夜忍埋玉秋霜不借蘭西風濕襟袖空有淚闌干

邵少卿挽辭

北固啟佳城東吳賈德星  
總帷長寂寞羽扇遂飄零  
泉

燭千年碧霜松數寸青餘慶知有在玉樹滿階庭

梅都官

堯臣

挽辭二首

兵形窮勝負史法貫興衰落落雖殊衆恂恂不迂時位  
卑名自重才大命須奇世俗那能識傷嗟止為詩

漆燈無復曙柏徑不知春南紀光華域中朝俊秀貧淒  
清千古韻寂寞一邱塵異日昭亭下方多漚酒人

臧郎中挽辭二首

積慶承前烈呈才會聖時踐楊朝有籍治行吏為師僚

友皆親譽黎民每去思惜哉違世早志業未全施  
素履存誠厚虛懷待物真鄉閭昔相接朋友世彌親遺  
札蠅頭細長阡馬鬣新九原那可作空復想音塵

張元常挽辭二首

為吏文無害臨民政不苛渾金生自美古井澹無波方  
喜風鵬舉旋聞隙駟過善人宜壽考報施定如何  
秀眉無足驗結轡遽為災鄉曲三年別江山萬里迴林  
間飛旂入書劔逐舟來墳草枯還綠重泉不復開



王朝議

尚恭

哀辭二首

場屋推聲價朝紳仰典型朱衣老卿列白首戀親庭舟  
壑一朝失泉臺萬古扃音容宛在目爭免淨飄零

樂易春陽暖孤高秋氣清老惟知自適貧不問為生京  
兆開阡貴延陵題墓榮如何帝師筆純孝紀名卿

邵堯夫先生哀辭二首

菽藿一簞樂蒿萊三畝寬蒲輪不能起甕牖有餘安高  
節去圭角久要敦歲寒今朝郊外客誰免涕沔瀾

慕德聞風久論交傾蓋新何須半面舊不待一言親講  
道切磋直忘懷笑語真重言蒙聽實佩服敢書紳

先生嘗以

予為脚踏  
實地之人

### 哭公素二首

負書遊上國拾芹取榮名雅度津涯闊高文風雨驚忘  
懷翻得謗縱酒遂傷生忍使泉臺客悄悄不自明

丹旌倚轡車榮辱盡虛無半道驂騑頓先秋蘭茝枯兒  
癡纔過亂親老不勝扶家事今蕭瑟寧將未第殊

哭尚穎

字公楚


操業五常備艱難六極全仲尼難語命裨竈不知天弱  
女飄何許遺文散莫傳官輕史不錄後世孰稱賢

哭劉仲遵父

天下才無幾夫君獨患多高文粲列宿英辯瀉長河榮  
宦成朝夢浮生度尺波舊僚空執酒相與淚滂沱  
昔醉金明渚今來慧辯祠當年笑相視此日哭殊悲天  
迴川原淨風高草木衰江梅靈氣在泉下復相知

哭馬承之

平生千里別書問亦常來隼拂秋雲擊鸞蕪霏霧迴鄉  
無高世藝安見出倫才有紙盈箱篋局封不忍開



欽定四庫全書

傅家集  
卷十五

傅家集卷十五

欽定四庫全書

集部

傅家集卷十六

詳校官庶吉士<sub>臣</sub>李如筠

檢討<sub>臣</sub>何思鈞覆勘

總校官庶吉士<sub>臣</sub>倉聖脉

校對官監丞<sub>臣</sub>張魯炳

謄錄監生<sub>臣</sub>陳燦

欽定四庫全書

傳家集卷十六

宋 司馬光 撰

制詔

殿前都指揮使節度使加宣徽南院使制

限二百字

以上  
成

國家選果毅之材以守衛中禁委謹信之士以敷揚大猷自非忠力冠倫識略高世折衝厭難外可以任爪牙之官諭志布和內可以受腹心之寄則何以克叶民望

無曠天工在茲詳求固匪輕受爰發休命誕告明庭具  
官某心通武經材應時用以禮樂慈愛為制勝之本以  
智信仁勇為和衆之資蓋孫吳而不為慕方召而自任  
疑爾深念則物莫能窺截然長驅則敵不及避是以錫  
之六纛總此八屯士皆知方國以增重嘉其扈從之久  
積是勤勞之多宜峻寵名以昭丕績俾奉宣於美德庶  
敦懋於庸公永念厥艱必有以稱於戲竭股肱之效所  
以報恩榮罄夙夜之勤所以熙職業典聽朕誌無棄爾



成

翰林學士禮部侍郎除三司使制

限一百五十字以上成

朕荷天地之貺施承祖宗之慶靈四方無虞萬物咸遂而公私之積尚未豐衍歲小不登民有菜色豈朕所以嫗煦撫循之未至將有司奉揚宣布之未稱與何其設心之勤而收效之寡也以爾具官某性質之美得於自然而發揮於文追琢於學多士之秀無爾為先雖禁林清塗秩宗美仕居之積久譽望已優而古之進賢必試

以事財賦之任於今為急求稱其職僉曰汝能是用命  
汝典茲邦計汝其勿以金穀為末而不恤勿以簿領為  
煩而不為九功所歌八政所重登平之業將汝乎取之

誠勵舉人敦修行檢詔

限二百字  
以上成

孔子稱德成而上藝成而下故為四科以第門人而文  
學處末然則為士者文有餘而德不足斯而已矣奚足  
尚哉國家憲章前古詳延俊乂敷奏以言明試以功何  
嘗不勤求敦忠屏斥浮偽列于庶位得人已多尚慮有

司教導之方不登盡善登進之法有所未精是以士或  
背本追末弃實取華不知從學所以立身為文所以行  
遠而謂能離章辨句則百行可遺非屬辭比事則六經  
無用習尚成俗安恬不非此豈聖人所以立教之心而  
朕所以待賢之志哉自今天下之士其務以道德為師  
仁義為友進之於內而讓之於外治之於身而施之於  
人才雖美不敢以自驕善未至不敢以自怠如是則窮  
居閭閻何病乎不達苟異於是朕無取焉仍敕有司明

諭中外使咸稱朕意

賜宰臣韓琦乞退第一表不允批答

朕以寡薄少承基緒未及究明師保之訓更閱事物之變而遽失先帝之大庇膺四海之重任怵惕危懼若涉巨川踐于春冰實賴耆耄不貳心之臣朝夕左右同力協義用濟于艱難夫選賢任能廣叅同異何損於政設官分職論列得失亦維其常至於天時數沴蓋以警誨朕躬非專輔弼而卿遽自咎責抗章辭位是重朕之不

德也卿其體茲眷倚之志專精致思廣裕厥心博采嘉謨以輔不逮

賜新除知樞密院事陳升之辭免恩命不允斷  
來章詔

敕升之省所奏劄子今樞密院使副四員無容其間更置一知院事既非舊典驟增員數當無事時四方聞之得無驚動耳目伏望聖慈如臣前所請若大名府永興軍已除用人即且乞授臣陳頴一郡事且悉卿志氣安

裕明智自將屢更邊藩嘗佐樞府出牧於外迨今暮年  
朕惟汝思俾復舊職宜夙夜竭力以副所期尚爾固辭  
殊失朕意夫登用賢雋憂在不多諮詢大猷患在不博  
設官隨世何必故常今邊境雖安而不虞當戒亟踐乃  
位毋違朕言所乞宜不允仍斷來奏故茲詔示想宜知  
悉

賜資政殿大學士戶部侍郎知青州吳奎乞就  
差知兗州不允詔

敕吳奎省所奏乞就差知兗州貴便頤養事具悉卿朝廷舊臣踐歷二府忠厚強直簡在朕心海岱之區土沃民庶風聲氣俗卿所習知雖宿疾未平而事務無廢式是重望底綏一方當體至懷未容辭避所乞宜不允

賜文武百寮曾公亮已下上第三表乞上尊號  
不允斷來請批答

省表具之朕荷祖宗之重寄元元困窮未獲厥所夙夜悼懼如涉春冰屬以報本之禮不敢墮曠故躬執犧牲

祇見上帝固非昭告成功自營福祿也而羣公卿士猥見褒譽欲歸以溢美增其徽稱抗章勤請至于再三朕乏馨香之德不能媚于神祇乃甲申地震淫雨為災天威彰著日虞罪悔尚何盛烈之可述鴻名之敢當心焉愧惕流汗霑足況尚在諒闇哀素未忘何宜此時亟舉盛典若斯之議非所敢聞宜體予至誠勿復為奏所請宜不允仍斷來請

賜新除知樞密院事陳升之上第一表辭恩命



不允斷來章批答

省表具之股肱之臣佐佑帝室樞機之職訐謨廟堂自  
非僉諧曷敢輕授卿歷事三世克肩一心事效已明時  
望攸屬膺茲圖任夫復何辭所辭宜不允仍斷來章

賜宰臣曾公亮不允批答

省表具之朕以不德災及元元地震冀方隄防橫潰流  
離壓覆靡所底居朕夙夜震懼不忘于心實賴祖考所  
遺耆雋之臣佐佑輔翼濟于艱難今乃遽自引咎抗章

辭位朕何望焉卿其專精致思勉修職業以裨不逮所  
請宜不允

賜觀文殿學士新除兵部尚書知青州歐陽修

詔

敕歐陽脩省所劄子奏准樞密院遞到誥勅授臣兵部  
尚書依前觀文殿學士知青州伏念臣近以疾病累乞  
致仕未賜俞允欲望且守舊任冀得將理衰殘卿服采  
三朝佐佑大政朕惟東表之地事任至重自非宗工莫

可付委况膺力未衰嘉猷克壯宜念王事勿復有辭所  
乞宜不允可便受告勅發赴本任

除文彥博

門下雖天子必有尊所以嚴自上之訓唯聖人能饗帝  
所以昭報本之誠朕祇紹丕基肇稱元祀禮文既備慶  
賜誕敷眷惟心膺之臣幹是機衡之任共膺神貺宜處  
衆先推忠協謀崇仁同德贊治守正保運亮節佐理翊戴功  
臣樞密使劔南西川節度管内觀察處置橋道等使開

府儀同三司守司空檢校太師兼侍中兼羣牧制置使  
行成都尹上柱國潞國公食邑一萬六千二百戶食實  
封六千三百戶文彥博道茂國華才推人傑體忠厚以  
居德壯謀猷而奮庸弼亮三朝周旋二紀再司魁柄仍  
冠中樞仗鉞臨戎則兇渠折首秉鈞調化則黎獻承風  
內外荐更名實彌劬矧在纂承之際親聞顧託之言委寄  
至隆眷注為重協贊盛儀之舉克臻熙事之成是用進  
美號以褒功取閒田而增邑併伸異數式示優恩於戲

慮危於安所以綏萬國懷遠以義所以靖四夷蓋懋乃  
官用副朕志可特授依前守司空檢校太師兼侍中兼  
羣牧制置使行成都尹潞國公充樞密使劔南西川節  
度管內觀察處置橋道等使加食邑一千戶食實封四  
百戶仍賜推忠協謀崇仁同德贊治守正保運亮節佐  
理翊戴功臣散官勲如故主者施行

除皇弟頤

門下立愛惟親治由近始因心則友化自上行朕合太

宮逆釐后帝百神受職四海推恩矧孝弟之至隆宜寵  
章之光被皇弟山南西道節度管内觀察處置橋道等  
使光祿大夫檢校太尉同中書門下平章事興元尹上  
柱國高密郡王食邑一千七百戶食實封陸伯戶頤溫  
良異稟聰達夙成勝衣形信厚之風佩韞負老成之志  
孝友之性不强而安德義之經未言而喻甫當就學亦  
既跡封予所撫憐同氣異息迨盛儀之具舉方渙澤之  
誕敷錫嘉號以記功進崇階而叙位仍加井賦益重藩

維於戲寵而不驕以謙恭為之本滿而不溢以節儉為之先汝其念哉無替朕命可特授特進依前檢校太尉同中書門下平章事興元尹高密郡王充山南西道節度管內觀察處置橋道等使加食邑七百戶仍賜崇仁保運功臣勲食實封如故主者施行

除皇伯祖承顯

門下朕惇宗盛禮祇通先猷茂對三靈駿奔億醜臣工顯相后帝居歆嘉與親賢共膺戩穀皇伯祖昭化軍節

度金州管內觀察處置等使金紫光祿大夫檢校工部  
尚書使持節金州諸軍事金州刺史兼御史大夫上柱  
國康國公食邑五千八百戶食實封一千八百戶承顯  
治躬齋栗養志粹和挺宗室之令儀藹公侯之淑問地  
隆磐石任重藩垣春秋寢高學問不倦被服儒素蘊河  
間之雅材琢磨箴規蹈衛武之美德助我丕祀協於多  
儀是用進功伐之名益陪敷之賦仍加真食併示徽恩  
於戲懷德維寧昔王之明訓為善寢樂前哲之徽猷勉



思高滿之危勿忘臨履之戒可特授依前檢校工部尚書使持節金州諸軍事金州刺史兼御史大夫康國公充昭化軍節度金州管內觀察處置等使加食邑七百戶食實封三百戶賜推誠保順功臣散官勲如故主者施行

除郝質

門下朕順考古道率由舊章三歲一郊四海大賚乃眷爪牙之士實惟心膂之臣宜渙茂恩以均景貺亮節保

順功臣殿前都指揮使安武軍節度冀州管內觀察處  
置等使光祿大夫檢校尚書左僕射使持節冀州諸軍  
事冀州刺史兼御史大夫上柱國天水郡開國公食邑  
三千一百戶食實封七百戶郝質溫恭不犯沈毅有謀  
敢決應北方之強閒暇得晉國之勇仁能附衆忠以發  
身內總七萃之師外分十連之任訓兵肅給騶御習於  
義方逢時安平戎狄仰其威信屬是齋祠之謹復兼扈  
從之勞不有旌褒曷昭倚注論功加等益地從隆考諸

僉諧允為宜稱於戲竭誠盡節所以享安榮徇公忘私  
所以報寵祿往服休命汝其懋哉可特授依前檢校尚  
書左僕射使持節冀州諸軍事冀州刺史兼御史大夫  
充殿前都指揮使安武軍節度冀州管内觀察處置等  
使加食邑七百戶食實封三百戶仍賜亮節保順翊戴  
功臣散官勲封如故主者施行

賜文武百寮宰臣富弼已下上第五表乞皇帝

御正殿復常膳聽樂允批答

省表具之朕秉德不明陰陽謬戾旱暵為災辜及元元  
為人父母不能保養覆冒以厚其生朕甚愧之是用避  
去正寢貶膳徹樂夙夜悼懼內自刻責以請咎於神祇  
浹辰之間雖霖霖屢霑而不能周洽菽麥將槁禾麻未  
滋而羣公卿士以尊奉母慈誕揚顯號良日既戒宜以  
時行禮樂之文不可不脩當抑已復常以成大典苟協  
於義朕何敢違所請宜允

西京應天禪院及會聖宮奏安仁宗英宗皇帝

御容了畢德音

門下朕祇紹前烈寵綏庶邦率時典常固敢墜逸越茲  
有洛之汭自昔令王之都藝祖之所誕生迹存遺老寢  
園之所以宅神有餘威是用即西竺之仁祠因北胡之  
勝地儀刑二后鎮撫一方爰命宰司肅將使指鴻儀克  
舉熙事大成永惟畿甸之民能無供億之役宜敷渙澤  
用慰羣心應西京管內限德音到日見禁罪人除故殺  
劫殺鬪殺謀殺十惡及偽造符印放火官典犯賊不赦

外雜犯死罪降從流內情理切害奏取指揮其餘流罪降從徒徒罪降從杖杖罪已下並放見勾當修奉天禪院會聖宮影殿使臣官負已下并工匠兵士及迎奉執擎并並與等第支賜應西京城都內耆老年八十已上者勘會詣實人數仰長吏等賜酒食仍量支賜每人茶三斤絹二匹常加存撫即不得於村縣追集致有勞擾於戲稱秩舊章克廣奉先之孝蠲除有罪式昭惠下之仁咨爾羣倫咸體予意主者施行

賜樞密使守司空檢校太師兼侍中文彥博乞

退不允手詔

省所再上表乞罷樞府事具悉卿器質方厚謀猷明審  
憂公盡忠臨事能斷越自仁祖知卿美材入輔出藩于  
茲二紀再冠台席一總鴻樞事功蔚然洽于黎庶任重  
道遠卿實有焉朕負荷前烈夙宵危懼若涉大川必憑  
舟楫卿當悉心致力以裨不逮而何嫌何疑遽求去位  
封奏荐至良用憮然撫覽再三殊失所望老成之德重

於典刑當體至懷安居厥職所請宜不允付彥博

賜樞密使守司空兼侍中文彥博不允手詔

省所奏伏覩詔書宰臣陳升之位任在臣之下者願寢異恩庶安孤跡事具悉卿翼亮三朝周旋二府國之耆雋望實素隆升之任用尚新甫登宰席原其雅意必欲推先是用斟酌禮文裁其宜稱發於朕志奚取常規益以寢異老成豈與利用為比卿謙恭久著於此何嫌往安乃居毋逆朕命所乞宜不允付彥博



除皇伯宗諤

門下朕祇荷先烈誕受多方樂與宗支共其福祿儻率  
履之有立在褒表之敢忘皇伯推誠保順功臣集慶軍  
節度亳州管內觀察處置河隄等使光祿大夫檢校尚  
書左僕射使持節亳州諸軍事亳州刺史兼御史大夫  
上柱國虢國公食邑六千四百戶食實封一千八百戶  
宗諤屬尊地親材高性敏承累朝敦睦之慶膺列藩封  
建之榮間由思慮之疏麗于文法之禁眷是有司之議

繫夫天下之公愛雖甚隆理不可居是用收還相印專秉節旄將警動於放心期輔成於盛德迨茲周歲克懋令圖勤被仁服義之風勵臨深履薄之戒朕於庶姓猶不棄人况九族之

下文缺

賜叅知政事王安石乞退不允批答

省表具之卿文學高一時名譽專四海勇於立事急於進賢朕心倚之以安平士論待之以康濟盖居位之尚淺或改命之未孚雖羣言之正謹豈同德之有間遽求

分務深用駭聞居就乃功期副予望所乞宜不允

賜南平王李日尊示諭敕書

敕南平王日尊省所上表稱於今年二月內親領本道兵甲乘駕舟航直抵南蕃與占城國及占朥國蕃兵交戰其占城國及占朥國蕃兵甲一時敗散臣帶領兵甲回旋本道師旅保全舟航寧謐事具悉卿與占城等國交戰師出逾時今覩奏章備言勝捷益敦忠順良用歎嘉朕子視兆民臣畜萬國思銷偃於中外共嬉遊於邇

遐宜體至懷以綏後福故茲示諭想宜知悉

賜叅知政事王安石不允斷來章批答

省表具之朕以卿材高古人名重當世召自巖穴寘諸廟朝推心委誠言聽計用人莫能間衆所共知今士夫沸騰黎民騷動乃欲委遠事任退處便安卿之私謀固為無憾朕所素望將以諉誰祇復官常無用辭費所乞宜不允仍斷來章

賜叅知政事右諫議大夫趙抃乞退第一表不

允批答

省表具之朕躬攬庶政燭理未周思得博聞善言以參得失卿以清直之操夙夜在公遽求外遷殊匪朕志所乞宜不允

賜殿前都指揮使安武軍節度使郝質不允詔  
敕郝質省所上表星未半周疾已十作伏望罷領殿帥  
俾外補於散官庶漸蘇於餘喘事具悉卿以沈勇冠軍  
忠厚許國內典嚴衛外秉節旄夙夜之勞簡于朕志優

息之便難徇爾懷所乞宜不允故茲詔示想宜知悉

祁國長公主特進封衛國長公主制

張尉

門下帝妹中行易象贊其元吉王姬下嫁召南美其肅  
雍命服亞正后之尊主禮用上公之貴寵光之盛誰昔

釋訓誰昔  
昔時也

而然矧同氣之至親推異數而何愛祁國長公

主席靈長之緒承濬哲之祥稟乾坤之粹和鍾日月之

明潤淵懿可度柔嘉有章志女功而忘勞承師教而不

倦今玉笄在首厭翟戒塗方結悅於皇家將執笄

音煩  
竹器

於士族宜疏沫土之邑俾適富平之孫庸展茂恩誕孚  
醴化於戲琴瑟靜好式昭和樂之音雷風順承是為常  
久之道勿以夫家之貧素有虧婦德之聽從祇服訓辭  
永綏福履可特進封衛國長公主仍令所司擇日備禮  
冊命主者施行

賜新除叅知政事韓絳辭恩命不允斷來章批  
答

省表具之卿世濟明允時推雋良毗贊樞庭茂著功烈

俾叅國論允叶衆心需章亟來謙志太過據引先誓祈還故棲夫顯親揚名斯為上孝建功立事莫若盡忠往即乃官勿替朕命所辭宜不允仍斷來章

賜新除宣徽南院使特進檢校太保判太原府歐陽脩辭免恩命不允詔

敕歐陽脩省所兩次劄子奏伏蒙特差中使齎到告敕除臣宣徽南院使判太原府事所有敕告未敢祇受欲望檢會臣前所陳乞於淮潁間移一小郡俾養殘年事



具悉卿才名素高華夏所服中外備更文武咸適眷茲  
并部氣俗沈鷙綏和一方威懷二敵牧伯之任豈易其  
人詢謀僉諧然後發命朕所選付卿宜體識况風土高  
涼其何恙不已往踐乃職毋復固辭所辭宜不允故茲  
詔示想宜知悉

賜守司徒兼侍中判大名府韓琦不允詔

敕韓琦省所四上劄子乞就移徐州一任事具悉卿倦  
居守之勤樂偃藩之逸眷是別都之重控夫北道之衝

自非元臣疇克譽處是以臨遣近侍往宣至懷恩禮之  
隆所宜欽若而上茲固請良用憮然卿以衰疾為言則  
未愆於膺力以朴忠自許則可憚於劇煩安視爾師母  
逆朕命所乞宜不允故茲詔示想宜知悉

賜新除樞密副使右諫議大夫馮京辭恩命不  
允斷來章批答

省表具之樞衡之司基本攸託制勝帷幄折衝方隅苟  
非文武之兼資孰副安危之重委簡自朕志無若汝材

故推不次之恩冀獲非常之效當思自勉勿或深辭所  
辭宜不允仍斷來章

除董氊制

門下國家蠲潔大德懷柔四方懋宣行葦之仁橫被蓼  
蕭之澤遐邇無間內外一均西藩邈川首領保順軍節  
度洮州管內觀察處置押蕃落等使金紫光祿大夫檢  
校太傅使持節洮州諸軍事洮州刺史兼御史大夫上  
柱國常樂郡開國公食邑五千一百戶食實封一千一

百戶董璫氣稟沈雄性資果毅載勲庸於奕世開土宇  
於西陲早膺旄鉞之榮撫有洮湟之地祇勤厥事忠誠  
著於皇家糾遯不虔威令行於戎落修其職貢保我封  
畛宜陳錫於寵章用褒嘉於美志位進異等食衍真封  
豈繫鎮服於爾師抑亦光華於殊俗於戲王官至重固  
不徒施臣道惟艱諒無虛受勉服休命益思壯猷可特  
授特進依前檢校太傅使持節洮州諸軍事洮州刺史  
兼御史大夫充保順軍節度洮州管內觀察處置押蕃

落等使仍舊西蕃邈川首領加食邑一千戶食實封三百戶勲封如故主者施行

賜新除河陽三城節度使守司空檢校太師兼

侍中充集禧觀使曾公亮辭免恩命不允詔  
敕公亮省所劄子奏伏望聖慈特賜停罷使相之命許  
只授正官充觀使事具悉卿久居宰席道茂勲隆屢以  
耆耄懇辭機政朕重違雅志曲成沖德禮命之數愧於  
未厚而尚茲遜避良用憮然宜即欽承以副優養所辭

宜不允故茲詔示想宜知悉

賜新除守司空檢校太師兼侍中充河陽三城  
節度使集禧觀使曾公亮辭免恩命第一表

不允批答

省表具之卿以耆明之德寅亮皇家功成告休海內歸  
美崇報之典朕旋其薄冲挹之志卿以為優勇退難進  
益增嘉尚成命不易毋庸固辭所辭宜不允

賜新除叅知政事馮京辭恩命不允斷來章批

答

省表具之卿負英異之才首俊造之選內尹京邑風績  
著聞外護邊兵民夷清謐入冠憲府進躋樞庭况觀爾  
能宜贊朕政往祇成命無或再辭所辭宜不允仍斷來  
章

賜新除樞密副使右諫議大夫吳充辭恩命不  
允斷來章批答

省表具之卿之英聲著於士倫卿之嘉績簡在朕心是

用擢諸計廷陟彼樞府乃更過自菲薄固辭寵光謙降之深歎尚不已所辭宜不允仍斷來章

賜觀文殿學士戶部尚書知陳州張方平乞南京留臺不允詔

敕方平省所奏乞南京留臺事具悉卿學問精洽文辭雅興荐登雋科久居邇列入贊大政出臨近藩晦明小愆何恙不已遽祈散地良用憮然當體眷懷往安爾職所乞宜不允故茲詔示想宜知悉



賜文彥博辭恩命第一表不允批答

省表具之卿社稷元老股肱三朝黎庶具瞻百工矜式矧以丞弼相予茲祀書勞進律抑有舊章宜亮眷懷無庸辭避所辭宜不允

賜殿前都指揮使郝質辭恩命不允批答

省表具之卿總領禁衛為王虎臣敦忠一心夙夜匪懈况茲戎祀之大兼有侍從之勤推恩報功固有常典尚茲冲避豈悉至懷所辭宜不允

賜殿前都指揮使郝質辭恩命不允斷來章批

答

省表具之朕奉若訓典肅將禋祀嘉與臣工共茲休福卿董率王旅陪贊國容居則有侍衛之謹出則有扈從之勞考諸故常宜在褒進當體至意勿復有辭所辭宜不允仍斷來章

賜皇伯祖昭化軍節度使檢校工部尚書康國

公承顯辭恩命第一表不允批答

省表具之朕仰稽唐虞惇叙九族矧以尊屬相予肆祀  
推恩進律禮亦宜之茲率典彛無為辭避所辭宜不允  
賜文彥博辭恩命不允斷來章批答

省表具之朕躬執珪幣對越三靈惟時福祥不敢專享  
湛恩布濩覃及海隅卿國之耆明幹統機密茲率常典  
奚煩固辭所辭宜不允仍斷來章

賜皇弟高密郡王頤辭恩命第一表不允批答  
省表具之朕以郊禮大備廣敷慶澤物無遐遺況於親

昭錫茲異數咸迪舊章汝其勿辭往服嘉命所辭宜不  
允

賜皇弟高密郡王願辭恩命第二表不允斷來

章批答

省表具之禋宗類帝國之盛儀施恩親賢由來蓋久兄  
弟具邇悃悃無華汝往欽哉毋煩辭避所辭宜不允仍  
斷來章

賜皇伯祖昭化軍節度使承顯辭恩命第二表

不允斷來章批答

省表具之朕躬祠郊丘誕布惠澤周浹庶姓況於宗英  
執謙固辭益昭令德朕命不易往其欽承所辭宜不允  
仍斷來章

賜宰臣富弼等上表賀雲陰日食不及分数批  
答

省表具之朕不明庶政上累三光天雖微陰人誰不見  
彼食分之少損由司歷之未精為懼方深奚賀之有矧

明書於信史將取誚於異時宜懋乃誠以輔台德所賀知

賜宰臣曾公亮已下賀壽星出現批答

省表具之司分底日垂象降休炳然德星著見南極太史獻狀以為壽祺卿等浚明一心寅亮元化災友氣物導迎善祥仍貢需章願書信牒眷言歸美重益愧懷所賀知仍依奏宣付史館

賜樞密使文彥博等賀壽星出見批答

省表具之天垂文象依類而言世格隆平得臣是賴卿  
等懋建一德光輔萬微格于上神錫茲嘉瑞昭申丙位  
申告永年刻章以聞傳信為請雖菲涼之可愧顧忠愛  
之敢忘所賀知

傳家集卷十六



欽定四庫全書

傳家集卷十七

宋 司馬光 撰

表

為龐相公讓明堂加恩第一表

展采合宮用成於盛禮推恩列位首冒於徽章內省空

踈交深震慄

中謝

伏念臣出於單族素乏異能遭會聖

辰襲承義訓肩隨羣士齒列具僚始更郡縣之勞遂玷

閨臺之美雖慕盡公之節力自拔摩迄無高衆之名可

容稱道頃由邊瑣進貳樞庭復參丞弼之司旋總幾微之務固已任踰才表榮出望涯十七物之珍羞居軫厚賜三百困之重祿坐愧素餐雖僂俛以自安常忸怩而內訟屬國家講求闡典祇紹明禋幸千載之親逢叨一時之榮觀伏遇尊號皇帝陛下天衷廣覆聖道無容不專享於神休俾下覃於朝衆謂臣職當危蹕禮與執膳曲矜孱陋之蹤猥被殊尤之澤位列元功之次邑增真食之封事與志違名非德稱惴如臨谷憂甚履冰豈可

忽非據之災安無勞之賞俾衆庶有假人之議致朝廷  
蒙含垢之羞熟自省循誠難膺克伏望俯矜危款曲軫  
睿慈特寢不貲之恩以全無似之質露誠獲允受賜益  
深

第二表

愚衷上列冀寢於殊恩睿志莫回必申於前命征營無  
措兢戰失圖中謝伏以陟配總章昔王之盛節追嚴廟  
祐前載之美談唐虞著五府之文商周增重屋之制久茲

曠絕未暇修明伏遇尊號皇帝陛下祇若天常寅恭祭  
典謂五精之氣不可久契於神歡三祖之靈不可弗親  
於宗祀若稽古訓濬發聖謨崑崙放玉帶之圖路寢采  
康成之議八窗四戶屬象相依萬舞九成聲明具在臣  
謬居機近忝助裸將庀徒護法駕之嚴負璽託屬車之  
末奉汝上肅雖之慶無周南留滯之嗟其在蠢愚固為  
榮幸不可復妄膺高位叨竊寵名況七萃有暴露之勞  
百司有供億之費欲加之賞宜用為先臣祿秩已豐勤

叨至薄豈可復膺褒進以重愆尤伏惟天鑒崇高下垂  
燭察物誠精至庶獲感通

為龐相公謝明堂禮成轉官表

叨榮過厚揣分非宜制命益嚴懇辭不獲

中謝

伏念臣

顓愚無術孤陋寡徒起家衡茅致位機近此皆出於天  
幸斷自宸知非才伎過絕於人豈朋援陰為之地是以  
每循涯知止以寵為憂獲一官若負譴訶進一位若懷  
疾青非敢厭薄高爵希慕虛名誠以居三府之崇贊萬

機之大久留不去妨廢實多况祿厚者衆之所趨勢尤  
者人之所疾不獨力綿任重失職是虞亦將智淺跡單  
處躬可畏方自謀於遜避以深遠於譏嫌豈謂伏遇尊  
號皇帝陛下濬發清衷述修盛禮合祛天地之祀嚴配  
祖宗之靈茂典既成鴻私勞洽謂臣屬當扈從與在駿  
奔疇其執事之勞均以受釐之慶遷地官之亞列增帝  
傅之寵名悉非庸虛所能堪稱是用力陳危款冀寢殊  
恩葵藿之心徒自傾而無隱雨露之澤非已降而可收

雖祇徇於詔文實內慙於靈府敢不益堅苦節愈厲樸忠當官而行蹈水火而無避惟力是視竭筋骨以為期

為文相公謝賜神道碑文表

命發宸庭文成禁署澤加存歿榮動邇遐

中謝

竊以金

石之傳久而彌茂風樹之感貴而自悲諒知為子之心咸有顯親之願伏念先臣策名休運接武辨朝陳力當官服勤沒齒臣荷析薪之業紹作室之功雖資性甚愚曾無肖似而義方未墜少遭譴尤伏遇尊號皇帝陛下

過聽菲才遽加大任寘彼官師之首列於丞弼之司非  
藉世榮曷膺國寵頃以歲時得卜宅兆圖新將論譔於  
豐碑用表章於大隧豈意睿明曲照優渥沓臻紆彼神  
翰揭諸螭首仍詔代言之職直書傳信之辭著琬琰以  
無忘與松楸而並列聲光不朽永蒙庇於昆孫精爽有  
知潛拜嘉於幽壤荷恩益腆撫已知輕且身體髮膚皆  
仰資於顧復而股肱心膂敢有愛於生成未識津涯徒  
知涕泗



為文相公求退第二表

臣省躬甚明揣分已熟非敢外飾以邀上知天恩留連  
未見識察物意專慙期於感通

中謝

伏念臣本以諸生

親逢盛世行能無出於萃類學術不際於幾微所期解  
韋布之衣霑斗石之祿竭薄領之效免耕稼之勤安敢  
企踵帝庭許身王佐伏遇尊號皇帝陛下嘉其木訥亮  
以孤忠課於近小之功粗能稱旨役以煩縟之事不至  
敗官乃謂榱桷之才可勝棟楹之任錡釜之器足無鼎

鼎之容遠自西州驟叨重柄躋密地則不踰中宿參大  
政則曾未期年遽越等夷直登佐弼靜言遭際熟察基  
緣寧左右先為之容豈朋援陰為之地莫非睿鑒特振  
寒蹤雖以草木之微猶知雨露之澤況於有識詎敢忘  
恩豈欲違去旒宸之前遠離闕庭之外棄萬鍾之秩辭  
四輔之崇顧以義不可留情有所迫大易存履餗之戒  
詩人著在梁之譏任重難勝位高多懼雖人主含貸未  
賜於譴訶有司因循不加於繩治臣敢不捫心自愧顧

影知非乘疵吝之未形保名迹而先退必使愆尤增積  
謗譴流聞致陛下失終始之仁愚臣受遠邇之責非止  
謀身之過抑亦負國之深是用寢食震驚夙宵悸慄視  
金章於芒刺等黃閣於焦原苟未去身何能歎志伏望  
燭臨危歎矜恤苦言聽避位於上司得保躬於散地博  
求雋傑光輔休明則臣俯就下陳若獲九遷之喜出居  
外職無殊三接之榮干冒冕旒不勝惓惓之至

為龐相公讓官表

恩出非常位遷不次內循空薄交集震驚

中謝

臣識昧

疏通學非殫洽依憑時會叨假國靈荐更要劇之權遂  
躋通顯之地陪侍帷幄參與機衡雖盡股肱之勞不遺  
餘力訖無毫髮之效克厭衆心居常自思敢忘內訟方  
且俟清閒之燕竭惓歎之私力辭宥密之聯退祈冗散  
之秩庶逭官責少息人言豈期志願未從寵光愈峻遽以  
朽疎之質猥當佑弼之司承命以還措躬無所竊以緝  
熙帝術寅亮國成翼戴萬機統和三極得人則羣生蒙

福失職則百度乖方詎可安居豈容濫授臣雖欲冒榮  
不顧懷祿苟安儻衆庶責望之深誠朝廷倚毗之失是  
用夙宵愧慙寤寐兢憂不知列鼎之榮恍若臨淵之懼  
伏望尊號皇帝陛下俯從危款曲照孤蹤矜其驅策之  
勤為日已久察其避讓之固於心不欺俾祇服於舊官  
特寢除於新命旁求雋德式副輿情

為麗相公再讓宰相表

需奏仰陳冀安於涯分綸言俯及未照於悃誠踏地載

驚履冰逾畏

中謝

臣聞量能授職者人主之通術陳力

就列者臣下之令圖義或此違治何由立臣是以退居  
深念申旦伏思竊惟佑弼之崇實繫安平之本總領衆  
職鎮撫四夷下遂萬物之宜上序三光之統凡將圖任  
豈易輕言至若黃霸循良朱博銳敏始為郡守皆號能  
臣豎陟宰司遂隳盛譽或受嗤於鵲雀或召咎於鼓妖  
豈前智而後愚蓋任盈而量溢況臣空薄詎敢擬倫必  
欲使用不違才舉無敗事則莫若委之藩服俾敷寬大

之條真以邊方得奉綏懷之畧庶幾展效不敢憚勤儻  
以服役有年居官無過不欲捐之草莽尚將留彼闕庭  
則願且守故棲未遷佗職私自寧於密地得時望於清  
光忝幸已深感綦何極豈敢使嚴廊曠位元鼎失和竊  
貪一日之榮不虞四海之責伏望尊號皇帝陛下曲垂  
矜恤靡賜勿遺察底衷之無欺全始終而可保持收渙  
命俯徇愚衷少安據疾之憂尚免在梁之刺內惟懇迫  
期獲允俞

為龐相公謝官表

荷恩逾分瀝懇敷言成命莫回愧顏無寄

中謝

伏念臣

賦能甚薄探道未深習詩禮以為儒師法令而補吏適  
際亨嘉之會誤膺濬哲之知亟陟顯塗荐膺煩使監邊  
則盡護羣師侍幄則協贊萬微密邇清光訐謨基命固  
已任逾器表榮溢望涯居無終日之間少忘素餐之責  
何意天恩橫被宸睠曲成猥掄樗液之才專委棟隆之  
任靡由階漸遽爾直登冠冊府之華資總史臣之善志



翻經演法進律加田甫聞出縛之言殆失措躬之地力  
陳丹悃仰黥遂旒雖堅不奪之誠難變已行之令威顏  
甚邇私願莫從俯僂若驚徜徉自失此蓋伏遇尊號皇  
帝陛下用人道廣愛物義深不求純備之功姑委變調  
之職爰從隗始俾奉蕭規敢不袞飾厥心耀明其志識  
慮所及不敢顧私筋力可任期於盡瘁小助緝熙之化  
仰酬覆燠之仁

為文相公許州謝上表

避辭公鼎雖弛負擔違離天閭倍深眷戀

中謝

伏念臣

材非出類識不先幾逢辰休嘉致位通顯謹司斥候亟  
守於邊隅虔布教條荐更於方鎮訖無聲迹可聳傳聞  
伏遇尊號皇帝陛下明燭幽微仁霑疏逖遽選掄於遐  
服俾陪貳於中樞曾不決旬遂參大政未能周歲爰陟  
上司念遭際之非常求比倫之蓋寡雖濱隕越豈謝生  
成是用杜僥倖之門室竒衰之徑激揚廉讓抑止浮華  
苟有利於公家固不為於私計然而力非其任智實有

涯羣心萬殊理難稱愜衆目環視動成詆訶紛如鋒矢  
之衝浩若波濤之沸從之則懼傷國體違之則立致身  
殃進退靡遑啓居無所屢以清閒之侍力陳退避之誠  
盖揣分之甚詳恐敗官而為辱貴全終始不避顛危陞  
下察其愚衷必非緣飾愍其孤迹易致怨憎俾述職於  
近藩得免譏於尸祿仍進天官之秩復升殿幄之華禮  
數甚優恩輝愈洽脫呂梁之險亟就安瀾去焦原之危  
更遵夷路非曲叨於庇佑豈自信於保全惟許昌之與

區乃昆吾之故壤土毛豐衍民齒夥繁敢不致在拊循  
勤加訓導奉承寬大之詔期臻富庶之風少副憂勤茲  
為報效

為滑州張龍圖賀章獻章懿皇后祔廟表

聖心追遠思慕慈親陟配禰宮順成大禮

中謝

伏以章

獻明肅皇后輔佐先朝敷明陰教導揚末命鎮綏大業  
章懿皇后淑慎在躬受天元祉茂育聖神光啓丕祚而  
猶分祀闕宮未登太室尊號皇帝陛下濬發孝思泌情

著制采開元之令典講國家之故事消選嘉辰咸升配  
侑述祖宗之志成母后之尊允所謂道隆列辟法垂後  
世禮行於宗廟孝通乎神明日月所臨霜露所墜抃手  
蹈足小大同之況臣任居藩垣職參臺閣欣豫之志倍  
億等夷官守所拘不獲奔詣闕庭稱慶

謝中冬衣襖表

祇荷寵光心顏無措

中謝

恭惟皇帝陛下皇仁溥洽衣

被九圍軫念祁寒寵錫嘉服臣雖無似蒙澤猶均濫承

安燠之榮空慙不稱之責無任感恩激切之至

進交趾獻奇獸賦表

嘉祐八年九月初三日上

臣光言今月二十五日有詔詣崇政殿觀交州所獻異獸曰麒麟者臣愚不學不足以識異物竊以麟瑞獸也曠世而不可覲其於經有名而無形傳記有形而去聖久遠衆說紛揉自非聖人莫能識其真況承學之臣固不能決其是非也臣光中謝竊以王者道盛德至格于神明則有仁獸不召而自至不羈而自馴此其所以為

瑞也今是獸也生於遐荒拘之檻櫝載之方舟輿曳萬里致於闕庭形質詭異不應經傳真偽之間未易究測儻其真也則非自然而來設其偽也徒為遠夷所笑殆非所以發揚聖朝之光輝補益治平之實效也旅獒曰不作無益害有益功乃成不貴異物賤用物民乃足犬馬非其土性不畜珎禽奇獸不育于國不寶遠物則遠人格所寶惟賢則邇人安臣竊以為宜延見使者賚之金帛賜以詔書嘉答其意歸其麒麟使復故壤然後登

俊傑之才修政治之實使家給人足禮興樂行四夷賓服天瑞自至以遵旅獒之意不亦盛乎臣不勝憤悱謹述交趾獻奇獸賦一篇奉表投進以聞

進瞻彼南山詩表

臣光言臣聞天尊地卑道之常也而乾下坤上謂之泰豈非陽不下陰則無以行其施君不交臣則無以得其心是以詩人歌頌其君之德多稱飲食飫燕之豐鐘鼓莞磬之樂車服旌旂之盛幣帛錫予之多蓋以君臣兄



弟朋友之際舍此無以相交也雖然人君不以誠心加之則此四者雖美無益也故鹿鳴曰我有旨酒以燕樂嘉賓之心彤弓曰我有嘉賓中心貺之此言君臣之恩不由外來也

中謝

伏見體天法道欽文聰武聖神孝德

皇帝陛下以十二月二十三日二十七日再幸天章閣  
悉召宰輔侍從之臣徧觀瑞物及先帝御書御集又幸  
寶文閣親為飛白書并御墨紙筆以賜羣臣又賦詩命  
羣臣屬和又幸羣玉殿置酒作樂比暮而罷其酒醪散

敕羅花金器多出禁中於二十七日仍面諭羣臣以前  
日之燕辦於造次未盡朕心故欲重與卿等為樂今天  
下方無事毋惜盡醉以稱朕意是日凡為燕之具又加  
厚於前其所以勞徠存撫羣臣莫非出於陛下之志者  
是以羣臣膏沐寵光被服德音熏蒸條鬯浹於肌膚淪  
於骨髓固不待飲食而先醉飽矣退而詠歌聖德流布  
四方聞者無不咨嗟歎息以為陛下之於羣臣可為無  
負而羣臣實負陛下多矣苟有可以死於其職補益萬

分莫敢愛也

中謝

竊以羣臣前後受陛下爵位廩祿饗

燕賜予固已多矣未有如今日之歡欣感激深厚切至  
上下如一者其故何哉此非外物豐衍所能致也正由  
陛下加之誠心而已矣陛下方將推廣此心以被天下  
至於朝廷之政進賢退不肖賞善罰惡無不盡誠以求  
之臣見四海之內如殿堂之上無不沈酣於茂恩饜飫  
於盛德矣不勝鼓舞抃蹈之至謹成瞻彼南山詩七章  
隨表上進文采鄙野不自揣度羞污盛時伏惟陛下察

其狂簡而裁其罪罰焉

進古文孝經指解表

嘉祐元年作

臣光言臣聞聖人之德莫加於孝猶江河之有源草木之有本源遠則流大本固則葉繁是以由古及今臣畜四海未有孝不先隆而能宣昭功化者也

中謝

伏惟尊

號皇帝陛下純孝之性發於自然動靜云為必咨訓典起居出入不忘先烈以為滁州者太祖皇帝所以禽馘姦桀肇開王迹并州者太宗皇帝所以芟夷僭亂混一

九圍澶州者真宗皇帝所以攘却貪殘億寧華夏皆大  
勲懿業威靈所存遂命有司分建原廟圖績聖容躬題  
扁榜嚴奉之禮備盡恭勤羽衛供帳率從豐衍茲有以  
見陛下尊顯祖宗之意無不至矣經曰愛敬盡於事親  
而德教加於百姓形于四海夫以陛下天授之資愛敬  
之志而又念夫百官者祖宗之百官不可以私非其人  
府庫者祖宗之府庫不可以賞非其功法令者祖宗之  
法令不可以罰非其罪慎之重之益自儆戒如是則為

無不成求無不給榮名之彰炳如日月基緒之固巍如泰山黎民乂安四夷懷服草木禽魚靡不茂豫此誠孝德之極致也臣愚幸得補文館之缺以經史為職竊覩祕閣所藏古文孝經先秦舊書傳注遺逸孤學堙微不絕如綫是以不自揆量妄以所聞為之指解雖才識褊淺無能發明庶幾因聖人之言得少闕省覽則冀土之臣榮願足矣其古文孝經指解一卷謹隨表奉進以聞

進通志表

臣光言臣聞治亂之原古今同體載在方冊不可不思

中謝

臣少好史學病其煩冗常欲刪取其要為編年一書力薄道久而未就今茲伏遇皇帝陛下丕承基緒留意藝文開延儒臣講求古訓臣有先所述通志八卷起周威烈王二十三年盡秦二世三年史記之外參以佗書於七國興亡之迹大畧可見文理迂疏無足觀采不敢自匿謹繕寫隨表上進

謝二股河北流已閉賜獎諭勅書并對衣金帶

鞍轡馬表

聖言優渥寵錫便蕃顧循無勞何以堪稱中謝竊以去  
秋積雨河決棗強朝廷憂勞憫茲昏墊臣祇奉明詔相  
視所詢采衆言聞達天聽捨短收長率由聖志處決利  
害昭晰如神今流勢東折徑趨渤海恩冀西北公私安  
堵斯皆上帝儲休明主獨斷勞心建策則有當官之人  
勦力奏功則有執役之士臣進無運籌之智退無負薪  
之勤曾何施為膺茲貺賚辭之則涉於僞慢受之則實



為尸素有醜面目無地自容臣性雖頑愚靈於草木蒙  
被天地敢忘報效唯期竭忠庶禋萬一

賀皇子降生表

伏以熊羆之兆載於詩雅弓韜之祥著諸典禮蓋以保  
育黎元莫茲為大本支既茂基祚益安是故百男昌而  
周興五宗強而漢熾隆替之源古今一揆

中謝

伏惟尊

號皇帝陛下純孝奉先遠猷垂世錫類之祉久屬羣心  
皇穹降休誕啓茂緒逢矢遵吉牢脩具儀斯實宗廟眷

佑之靈衆庶無疆之福窮河際海聲教所霑儻曰有心  
率知相慶況臣職叨近署位備列藩竊聆嘉喜奚勝踊  
躍官守有繫阻遠闕庭臣無任瞻天望聖蹈舞屏營之  
至

賀皇子所建節表

封建本支光隆基祚王室增維城之固萬方有磐石之  
安中謝恭惟皇帝陛下仁被海寓道合天衷膺受純禧  
誕錫元胄采古昔之令典考今茲之盛務爰立藩邸恢

建宏規假節秉鉞習以戎律赤烏袞衣崇其儀望苴茅  
胙土訓以政治明尊尚親資忠移孝一舉而善衆美具  
該斯實堂構之遠謀黎民之隆福也臣述職外方傳  
聞嘉喜不勝抃蹈激切之至

謝賜資治通鑑序表

臣光言伏蒙聖恩令臣讀所修資治通鑑仍面賜御製  
御書序一篇者臣性識駑鈍學問空淺偶自幼齡粗涉  
羣史常欲芟去蕪雜發揮精雋窮探治亂之迹上助聖

明之鑒功大力薄任重道悠徒懷寸心行將白首伏遇  
先皇帝若稽古道博采微言俾撫舊聞遂伸微志尚方  
紙墨分於奏御之餘內閣圖書從其假借之便未遑汗  
簡已泣遺弓陛下祇服駿命丕承前烈臣以屬橐有緒  
不可不成受詔所為不敢不上銓次無法牴牾實多仰  
汚覽觀伏湏罪戾豈謂皇帝陛下赦其狂簡賞其專勤  
思所以旌異於佗書焜耀於羣下特發殊恩不用常例  
屬當勸講之始俾參經史之末迨此清閒命之進讀而

又序其本原冠於篇帙發言為典肆筆成書炳蔚互變  
如虎豹之明灝噩無涯逾商周之盛況復褒貶是非古  
人有所未至造端立意愚臣不能自言陛下一賜指陳  
渙然冰釋至於博而得其要簡而周於事典刑之總會  
冊牘之淵林臣實何人克堪此語若乃嘉文宣以作則  
授正觀而為師茲實生民之福豈伊微臣之幸中謝竊  
以周之南董漢之遷固皆推高一時播美千載未有親  
屈帝文特紆宸翰曲蒙獎飾大振輝光如臣樸櫟小才

固非先賢之比便蕃茂澤獨專後世之榮退自揣循殆  
無容措遂使螢燐未照依日月以永存草木常名附天  
地而不朽臣不任懇款之至

知永興軍謝上表

荷恩至重任責尤深循撫吏民敷宣詔令

中謝

臣識慮

闇淺規為闊踈唯知愚忠屢貢狂直奉事三世操守一  
心間以齒髮寢衰疾疹交集曾靡論思之效久汚侍從  
之班既無補於本朝祈自安於散地不圖睿澤更委名

都雖要重之權自知不稱而煩劇之地難以固辭受命以還  
措躬無所竭來就道甫爾到官惟此咸秦昔為畿甸山川美  
秀土地膏腴論其平時誠為樂土在於今日適值凶年經夏  
亢陽苗青乾而不秀涉秋淫雨穗腐黑而無收廩食一空家  
乏蓋藏之粟襁負相屬道有流離之人老弱懷溝壑之憂姦  
猾蓄萑蒲之志正宜安靜不可動搖譬諸烹魚勿煩擾則免  
於糜爛如彼種木任生殖則自然蕃滋謹當策勵疲篤彫磨  
朽鈍智力所及勤瘁無辭雖復失位危身終不病民負國庶

幾小補用答大恩臣無任戴天荷聖激切屏營之至

遺表

元豐五年秋吾苦語澁疑為中風之候恐朝夕疾作猝然不救乃豫作遺表自書之常置臥內俟且死以授范堯夫范夢得使上之八年三月五日宮車晏駕此表無用留以示子孫欲使知吾事君區區之心耳

臣世受國恩常思補報但以性識愚戇不合聖心是以比年來屏居杜口不敢復言今衰疾日侵將填溝壑敢以平生忠懇一達天聰庶幾陛下知臣無求於朝廷而未嘗忘國家也

中謝

伏惟皇帝陛下天縱睿哲燭物精敏踐祚以來銳志求治圖任奇傑恢張洪業得王安石委而信之不復疑貳聽其言從其計



人有沮毀之者責而逐之雖周成王之信周公齊桓公之任管仲燕昭王之倚樂毅蜀先主之託諸葛亮殆無以及斯乃不世出之英主曠千載而難逢者也不幸所委不得其人安石既愚且愎不知擇祖宗之令典合天下之嘉謀以啓迪聰明佐佑丕烈乃足已自是謂古今之人皆莫已如有人與之同則喜與之異則怒喜則數年之間援引登青雲怒則黜逐擯斥終身沈草萊凡人之情誰不喜富貴而畏刑禍於是忠直遠屏姦諛競進為之腹心羽翼以干祿徼利遂使中外權要之任非其黨與不得處

也深疾諫者過於仇讎嚴禁誹謗甚於盜賊然後逞其胸臆變亂  
舊章興害除利捨是取非其尤病民傷國者畧舉四條其一曰青  
苗錢分命使者誘以重賞強散息錢腴民求利取新償舊負債  
歲多官守空簿實無所獲貨重物輕公私兩困其二曰免役錢  
縱富彊應役之人使家居自逸征貧弱不役之戶使流離轉死  
凡農家所有不過穀帛與力自古賦役無出三者今皆不取專  
責以錢錢非私家所鑄要須貿易外求豐歲穀賤已自傷農又  
迫於期限不得半價盡糶所收未能充數家之餽糧不暇更留

若值凶年則又無穀可糶人人賣田無往可售遂致殺牛賣肉伐桑鬻薪來年生計安敢復議用此雇浮浪之人以供百役使緩則為姦急則逃竄處事若此豈非倒置其三曰保甲自唐募長征之兵賦農民穀帛以給其衣糧農固已困矣今穀帛稅如故又使捨耕桑事戰陳一身二任民何以堪又罷巡檢兵士及尉司弓手皆易以保甲半月一代彼畎畝之民尚未能操弓挾矢已復代去用此擒盜不亦難乎夫奪其衣食使無以為生是

驅民為盜也使比屋習戰勸以官賞是教民為盜也又撤去捕盜之人是縱民為盜也謀國如此果為利乎四曰市易遣吏坐列販賣與細民爭利下至菜果油麵駟僧所得皆擁而奪之使道路怨嗟遠近羞笑商旅不行酒稅虧損奪彼與此得少失多又稱貸於民恣其所取使無賴子弟得醉飽之資在家父兄受督責之苦傾貲破產十有五六凡此四者皆逆人情違物理天下非之莫之肯從安石乃以峻法驅之彼十惡盜賊累更赦令

猶得寬除獨違新法者不以赦降去官原免是其所犯  
重於十惡盜賊也安石苟欲遂其狠心無顧治體此其  
厲階至今為梗也又有姦詐之臣如种諤薛向王韶李  
憲王中正之徒行險徼幸懷諛罔上輕動干戈妄擾蠻  
夷夫兵者國之大事廢興存亡於是乎在而諤等苟營  
一身之官賞不顧百姓之死亡國家之利病輕慮淺謀  
發於造次深入自潰僅同兒戲使兵夫數十萬暴骸於  
曠野資仗巨億弃捐於異域昔王恢為馬邑之謀單于

覺之遁去時漢軍無所失亡但無功耳武帝猶以為不誅恢無以謝天下今潰敗失亡狼籍如此而建議行師之人晏然若無愧畏或更蒙寵任竊見國家至仁重惜人命諸州論囚有法應流而誤入死者舉州官吏皆坐停廢柰何使數十萬人無罪就死反無所坐乎此所以使狂躁貪冒之人競為嘗試之說而無所懲艾者也若舉事屢如此其於國家豈可不憂乎臣聞堂上不圯則郊草不瞻曠芸是以古聖王之治天下必先內而後外

安近以服遠故書曰帝乃誕敷文德七旬有苗格詩云  
王猷允塞徐方既來下至齊桓晉文亦先富教其民然  
後用之陛下何不視今日朝廷之政治何如羣臣之智  
能何如百姓之富樂何如士卒之精銳何如乃遽從事  
於四夷也臣所惜者以陛下之聖明不師虞舜周宣之  
德反慕秦皇漢武之所為借使能踰葱嶺絕大漠蹙  
蘭焚龍庭又何足貴哉自古人主喜於用兵疲弊百姓  
致內盜蠭起或外寇覬覦者多矣申屠剛曰未至豫言

固常為虛及其已至又無所及必若待四方糜沸如秦漢隋唐之季然後悔之固已晚矣夫諫爭之臣人主之耳目也安可一日無之書曰若跣弗視地厥足用傷設有人閉目塞耳跣而疾趨前遇險阻安有不顛躓者哉臣竊見十年以來天下以言為諱大臣偷安於祿位小臣苟免於罪戾閭閻之民憔悴困窮無所控告宗廟社稷危於累卵可為寒心人無賢愚貴賤莫不知之而訖無一人敢發口言者陛下深居九重徒日聞諛臣之言



以為天下家給人足太平之功十已八九成矣臣是以  
不勝憤懣為陛下忍死言之庶幾陛下覽其垂盡之辭  
察其願忠之志廓然發日月之明毅然奮乾剛之斷悔  
既往之失收將來之福登進忠直黜遠佞邪審黃髮之  
可任寤諱言之難信罷苗役廢保甲以寬農民除市易  
絕稱貸以惠工商斥退聚斂之臣褒顯循良之吏禁約  
邊將不使貪功而危國制抑近習不使握兵而兆亂除  
苛察之法以隆易簡之政變刻薄之俗以復敦樸之化

使衆庶安農桑士卒保首領宗社永安傳祚無窮則臣  
沒勝於存死榮於生瞑目九泉無所復恨矣臣不勝瞻  
天戀聖之至

慰太皇太后上仙表

臣今月二十三日蒙西京宣示二十日太皇太后遺誥  
者旻天降禍仙馭上賓奉訃哀惶罔知所措伏以太皇  
太后作配仁祖聽政英朝洪基所以固安景命由其保  
祐風化形於海內德澤結於民心宜永享東朝之尊長

膺天下之養而中壽未至大期有終哀纏兩宮痛決萬  
宇恭惟皇帝陛下孝心罔極號慕難居瞻內寢以如存  
追慈顏而靡及伏望上為宗廟之重下庇烝民之生少  
抑聖情俯就中制臣忝列侍從不獲奔赴闕庭瞻望宸極

謝提舉崇福宮表

臣光言伏奉勅命宜令再任提舉西京崇福宮者曩奏  
上陳始虞報罷黷聰垂德亟沐頒恩祇荷寬優伏增兢  
悸伏念臣器非適用學不知方被遇三朝忝塵二禁紆

天光之顧問侍經席之從容亦嘗委總憲司訖無報稱擢陪樞府不敢叨居剖竹雍都茂聞於治效分臺洛邑幸養於沉痾仍再領於祠庭遂十更於歲籥頃自受命先帝俾刊舊聞逮陛下之繼圖發德音而繼至而臣攜橐在外奏篇未經蓋簡冊之浩繁致歲時之淹久雖官守無事慙四體之不勤而史學細書實寸陰之是惜懼先溝壑以負恩私久去班行顧其他而無補坐縻祿廩嘗自訟而靡遑尚或無厭復求自便輒披私懇輕冒宸

嚴豈謂皇帝陛下大德包荒至明燭遠罔責再三之瀆  
曲垂開可之私蓋特出於異恩故不拘於畫法乾坤至  
大雖萬物皆遂其生雨露新霑或一夫獨被其澤惟願  
愚之無狀容僥倖以茲多臣敢不深戒宴安祇勤夙夜  
畢精撰述圖報生成

進資治通鑑表

臣光言先奉勅編集歷代君臣事迹又奉聖旨賜名資  
治通鑑今已了畢者伏念臣性識愚魯學術荒疏凡百

事為皆出人下獨於前史粗嘗盡心自幼至老嗜之不厭每患遷固以來文字繁多自布衣之士讀之不徧況於人主日有萬機何暇周覽臣常不自揆欲刪削冗長舉撮機要專取闕國家興衰繫生民休戚善可為法惡可為戒者為編年一書使先後有倫精粗不雜私家力薄無由可成伏遇英宗皇帝資睿智之性敷文明之治思歷覽古事用恢張大猷爰詔下臣俾之編集臣夙昔所願一朝獲伸踊躍奉承惟懼不稱先帝仍命自選辟

官屬於崇文院置局許借龍圖天章閣三館秘閣書籍  
賜以御書筆墨繒帛及御前錢以供果餌以內臣為承  
受眷遇之榮近臣莫及不幸書未進御先帝違弃羣臣  
陛下紹膺大統欽承先志寵以冠序錫之嘉名每開經  
筵常令進讀臣雖頑愚荷兩朝知待如此甚厚隕身喪  
元未足報塞苟智力所及豈敢有遺會差知永興軍以  
衰疾不任治劇乞就冗官陛下俯從所欲曲賜容養差  
判西京留司御史臺及提舉嵩山崇福宮前後六任仍

聽以書局自隨給之祿秩不責職業臣既無佗事得以  
研精極慮窮竭所有日力不足繼之以夜徧閱舊史旁  
采小說簡牘盈積浩如煙海抉摛幽隱校計毫釐上起  
戰國下終五代凡一千三百六十二年修成二百九十  
四卷又畧舉事目年經國緯以備檢尋為目錄三十卷  
又參考羣書評其同異俾歸一塗為考異三十卷合三  
百五十四卷自治平開局迄今始成歲月淹久其間抵  
牾不敢自保罪負之重固無所逃

中謝

重念臣違離闕



庭十有五年雖身處于外區區之心朝夕寤寐何嘗不  
在陛下之左右顧以駑蹇無施而可是以專事鉛槧用  
酬大恩庶竭涓塵少裨海嶽臣今筋骸癰痺目視昏近  
齒牙無幾神識衰耗目前所為旋踵遺忘臣之精力盡  
於此書伏望陛下寬其妄作之誅察其願忠之意以清  
閒之燕時賜省覽監前世之興衰考當今之得失嘉善  
矜惡取是捨非足以懋稽古之盛德躋無前之至治俾  
四海羣生成蒙其福則臣雖委骨九泉志願永畢矣

賀立皇太子表

臣光言伏覩制書節文皇太子延安郡王傭可立為皇太子仍賜名煦者主器惟長立邦家之基錫命以時為社稷之福

中謝

竊以天意與子人情愛親三王以來百

世不易伏惟皇帝陛下光紹前烈濬發遠猷仰尊宗廟之嚴俯眷烝民之重寵建上嗣誕告多方離日昭布於重光震雷何啻於百里封畛之內聲教所覃凡有識知孰不鼓舞况臣叨居近列夙受大恩喜聞徽音遠踰庶

品

元豐八年三月奔國喪太皇太后遣入內供奉

官梁惟簡宣諭

邦家不幸大行升遐嗣君冲幼同攝國政公歷事累朝  
忠亮顯著母惜奏章贊予不逮

謝宣諭表

元豐八年三月  
二十三日 上

臣光言今月二十二日入內供奉官梁惟簡傳太皇太  
后陛下宣諭以臣歷事累朝令母惜奏章者

中謝

臣文

學政事一無所長蒙仁宗皇帝擢實侍臣英宗皇帝引為學士大行皇帝初登宸極召入翰林繼處憲臺又承人之伴貳樞府臣荷累聖大恩無以為報惟竭瘁愚時進狂瞽祇知推誠不識忌諱每荷矜容未嘗譴黜屬者大行皇帝遘疾彌留深惟萬幾之重請陛下權同處分上天降禍奄及大故陛下建立聖嗣綏寧中外民物咸若神祇協從此皆陛下之淵謀羣生之厚幸臣以進懷先帝盛德奔赴闕庭上欲一望梓宮少展臣子之哀誠

即退歸洛邑復就冗官不意陛下過有聽采特降中使  
曲加獎飾待以耆舊許之盡言臣聞商書曰木從繩則  
正后從諫則聖后克聖臣不命其承陛下實有聖德知  
所先務聽政之初首開言路臣本何人齒髮衰朽精力  
昏耗有何才識克堪茲任但冀天下之士由此識陛下  
之心嘉言響應正論輻湊民間疾苦何患不聞國家紀  
綱何患不治斯乃宗廟社稷之靈四海羣生之福豈伊  
微臣獨為慶幸

謝門下侍郎表

臣先言近上表辭免新除門下侍郎恩命伏奉批答不  
允者母慈臨御嗣聖亮陰登進弼臣眷求舊物才非稱  
任辭不獲從

中謝

伏念臣出自諸生幸承素業守泥古

之朴學乏經世之遠猷逮事仁皇備員諫省容逆鱗之  
愚直無補袞之嘉謀會英祖之纂承進河圖之近密最  
膺異禮深亮孤忠及先皇即政之初被內相代言之命  
委司天憲擢貳樞鈞終獲遂於懇辭蓋曲成於志守而

臣涓埃罔效精力早衰出守無能分臺得請留連祠館  
荏苒歲華不圖仙駕之升永絕清光之望伏遇皇帝陛  
下丕承洪緒寅御中區訪落之謀亟先於羣辟賜還之  
詔屢出於中宸起於林壑之中處以廟堂之上矧今始  
初政事綏靖邦家四方翹首以向風萬姓傾心而聽上  
斯乃君臣儆懼之日宗社安危之機必得非常之才以  
濟維新之治臣避命弗獲居寵為憂謹當承元首之明  
竭股肱之力庶圖薄效仰答鴻私臣無任戴天荷聖激

切屏營之至

上皇帝謝賜生日禮物表

臣光言伏蒙聖恩以臣生日特降詔書賜臣米麵羊酒者使車傳命宸檢頒恩乃眷微生特推異數

中謝

伏念

臣本由孤進歷事先朝屬睿哲之統臨承贊襄之乏使無嘉謀之云補有素食之深譏適當生育之辰倍切劬勞之感累茵列鼎思負米以難追立身揚名在顯親而何有敢煩君賜下逮家庭雖邦禮之有常在臣愚而曷



稱此盖伏遇皇帝陛下寵優近列仁育羣生隆餽廩之多儀廣雲天之麗澤先事後得顧慙錫與之榮移孝為忠誓竭糜捐之節

上太皇太后謝賜生日禮物表

臣光言伏蒙聖慈以臣生日特降詔書賜臣米麴羊酒者至仁垂眷多物分頒拜賜惟優汗顏有覩

中謝

伏念

臣器能淺陋術學迂踈仰膺簡注之隆進備弼諧之職適及始生之旦復叨厚下之恩及養無因感劬勞於茲

日致禮有秩蒙慶澤以自天此蓋伏遇太皇太后陛下  
坤厚無容母慈廣被重近司之責任推異數以勸官特  
加餽廩之儀以示寵光之渥所生無忝敢忘夙夜之勤  
來事可為益圖忠義之報

上皇帝辭免正議大夫表

臣光言伏奉制命特授臣正議大夫者中天需澤近輔  
書勞亦及罔功豈宜虛受中謝伏念臣素無佗技唯繫  
孤忠誤蒙累聖之知寢服近僚之列頃因人乏進貳宰

司先帝審訓羣臣靡預誓言之末陛下嗣膺大寶曾無  
翊戴之勤豈弗畏於名言詎敢當於懋寵矧乃方任人  
而立政惟即命以記功將深戒於官師宜先從於近始  
伏望皇帝陛下慎司名器申勸臣鄰收出綈之過恩亮  
循墻之愚懇辭惟馭貴免上累於至公賞必及勞蓋率  
由於舊典

上太皇太后辭免正議大夫表

人惟圖舊賞貴及勞義所當辭情難冒處

中謝

伏念臣

早緣末學被遇累朝乏稽古之令猷無致君之遠業八  
陪經幄久親日月之光出領祠宮實荷雲天之庇會慈  
宸之御極登嗣聖以承祧徒膺乏使之求進預同寅之  
列屬寵褒於近弼特序進於文階顧無橫草之勤均被  
出綸之渥輿情共駭內忡靡遑伏望太皇太后陛下洪  
造聽卑至明燭隱慎守馭臣之柄無輕出器之名昭示  
大公輟已行之成命少安愚分息被已之深譏

上皇帝謝轉正議大夫表

臣光言伏奉告命授臣正議大夫上表辭免奉批答不  
允仍斷來章者離明繼照允澤旁流祇受已還震惶無  
措

中謝

臣聞以資詔爵則民興忠誼貶功為賞則下絕  
覬覦故德盛者其位隆力勤者其報厚勸沮斯在授受  
靡虛伏念臣學不適時才非經世謬塵近列最後諸臣  
辱體貌之兼隆竭股肱而無補屬舉樞官之典咸疇衛  
上之方績用蔑聞褒章誤及雖危誠之備列終成命之  
莫回居寵無名在顏有醜此蓋伏遇皇帝陛下馭臣惟

禮厚下以仁優其進等之恩責以致身之節乾坤至大均覆載以不遺日月無私委照臨而盡及永圖報塞唯誓糜捐

上太皇太后謝轉正議大夫表

明綸誤及渙汗難收弗獲懇辭終慙冒處

中謝

伏念臣

自陪機政無補聖猷雖夙夜以自強惟事功之匪立每流年之是惜加衰疾之所嬰敢以瘵官復當懋賞是以歷陳故實備述悃誠荐奉詔音兩紆使節對天威之咫尺

尺煩睿訓之丁寧循走無從強顏祇受此蓋伏遇太皇  
太后陛下至仁勤施大德兼容推均一於鵷鳩昭忠厚  
於行葦體乾坤之覆育品物不遺並日月以照臨光明  
下濟誓殫篤力仰答鴻恩

謝起居減拜表

臣光言伏准閣門告報今月十四日內降以臣與呂公  
著近各推恩轉官所有將來正謝特令兩拜起居餘免  
舞蹈仍於執政官班次後別作一班及自今後凡遇前

殿應于大起居特令別作一班止兩拜起居恩出非常

禮加異數優假太過慙負愈深

中謝

臣猥以瑣才預聞

機政去春以後疾疹屢生入冬以來飲食漸少迨茲歲序之首頓覺筋力之衰拜起絕艱朝請殆廢內惟恩紀之重天地所不能踰退思績效之微絲毫未嘗有立欲避位則為罪益大欲就列則強力不前朝夕為衆目所觀啓處無措躬之地敢謂皇帝陛下太皇太后陛下仁霑枯朽明燭幽微特虧著定之儀曲遂形骸之便臣詢



諸故老或謂有舊章然彼皆位躋宰輔之崇德著耆明  
之美豈臣么麼所敢比方欲辭則實所不支欲受則自  
知非分踧踖心悸戰兢汗流惟仰賴於寵靈冀有瘳於  
藥物病庶造已禮得如初期於竭忠不敢愛死

奏彈王安石表

熙寧三年御史中丞光等累次全臺上疏叅知政事王  
安石不合妄生姦詐熒惑聖聰及公亮等各務依違未  
曾辨正乞明其罪不蒙施行竊以易喻履霜示為君制

臣之術書戒作福朋凶國害家之常易書之義其知幾乎君子見幾不俟終日是以自古君無過失而臣不姦欺蓋知其幾而遏其端也伏遇陛下即位以來日慎一日聞過則喜從諫如流四方翹企以望太平萬俗謳謠而陶美化其以用安石為相斯見陛下焦中心而求治急先務以濟時者也而安石備政府必當輔國以伊周之道致時為堯舜之民發政施仁俾合輿意而安石首倡邪術欲生亂階違法易常輕革朝典學非言偽王制

所誅非曰良臣是為民賊而又牽合衰世文飾姦言徒有嗇夫之辨談拒塞爭臣之正論加以朋黨鱗集親舊星攢式備近畿或居重任窺伺神器專制福威人心動搖天下驚駭苟陛下不遏其端則安石為禍不小夫書易之戒正急於斯且陛下以安石有師保之尊故舊之恩俾為相臣使預政事昔漢尊桓榮徒聞設几燕貴鄉衍惟見築宮豈有俾居顯重而妄使改為若不正其罪惡亦難以順乎衆意臣職居御史身為諫官非不能希

意苟合以求寵榮蓋以立君朝者當勵已以去邪食君  
祿者必輕身而為國臣之與安石猶冰炭之不可共器  
若寒暑之不可同時是以屢犯天顏輒陳狂瞽心既為  
國寧復愛身苟今日蒙鈇鉞之誅勝異日死賊臣之手  
伏願陛下獨奮乾剛專行大決一遵祖憲無用邪謀誅  
逐亂臣延納正士上以順皇太后之意下以慰億兆人  
之心則臣等退就誅戮亦所甘心

謝賜銀絹表


臣光言伏蒙聖慈以臣編修百官年表成書特降詔獎  
諭仍賜臣銀一百兩絹一百匹者奏篇甫上褒詔爰頒  
荷寵若驚省躬無措

中謝

伏念臣淺才末學庸識卑辭

久塵侍從之班曾乏猷為之補頃膺睿旨俾纂舊章恭  
惟祖宗創業垂統之難邦國立政任官之要必表年而  
紀月可鑒古以驗今畧舉宏綱庶存成式淹留累歲銓  
次終篇仰稽乙夜之觀方虞曠職之咎豈期溫詔發自淵  
衷錫外府之兼金加丘園之賁帛載惟虛受彌切覲顏

此蓋皇帝陛下順考百王丕承列聖剛健而篤學緝熙  
於光明眷執簡之微勤形贊書之重獎寵踰華袞既稽  
首以拜嘉賜厚百朋實無功而冒賞



傳家集卷十七